


竊中竊



有一奸徒冒充公爵與上流社會交際乘間使其拐騙之術盜得一貴婦人之珠球後經偵探察破從事逮捕而奸徒巧計百出暗中角鬪以致得而復失失而復得嗣後案破被拘而此貴婦人之珠球並非己物仍係從他處盜竊而來者情節離奇變幻不可捉摸洵足爲偵探小說中別開生面之作

民國三年九月七日
民國三年九月七日
民國廿三年八月七
印行版



總發行所上海棋盤街中華書局
分發行所各埠中華書局

著述者	發行者	印刷者	印刷所
中華書局	中華書局	中華書局	中華書局

上海靜安寺路哈同路口

(竊中竊)全一冊

定價銀四角

竊中竊

第一章

一輪赤日。越滄海而西垂。時則天際汪洋。一白無際。仰視穹蒼。蔚蔚巨鵬。展白翅而翱翔。俯觀洶湧波濤。隻艘掛孤帆而盪盪。孤舟之內有二人焉。二人者形容畢肖。毫髮不差。其一危立梢頭。乘風破浪。其一橫陳艙內。身入黑甜矣。無何日落天昏。海面如張黑幕。則有明星三五。破晚霧而出。溽暑晚涼。頗適人意。梢公仰見南天諸星。不覺手倦釋舵。於是舟行失主。澎湃盪搖。艙中人驚覺黃梁。申申而詈。梢公乃復持舵柄曰。嗚呼。辯思登。吾實因仰視南天十字星而忘之也。今見此星。吾輩有望矣。辯思登冷笑曰。忘之耶。吾未嘗見比來之忘之也。比來曰。脫吾輩得抵彼岸。吾當終不忘此星也。辯思登曰。言得無鄙乎。今且不與汝置辨。速與我餅乾食。已復曰。以水來。比來曰。水竭矣。辯思登曰。賊。汝竭之耶。比來曰。汝今晨飲時不已竭耶。辯思登曰。胡言必汲竭之者。比來曰。冤哉。冤哉。吾輩誼關手足。且自啓行以來。有飲有食。必汝取其

二。我取其一。我又何嘗有怨言。瘠斯登不語。旣而漸漸起立。作恨恨聲曰。當我掌舵矣。於是至梢頭代比來。比來乃入艙仰臥。而十字星照耀當空。竟不能交睫一瞬也。夜半。明月東昇。海水化成銀液。每一動篙。則銀珠萬顆。隨波逐流。然二人者。一則仰視天星。一則謹持舵柄。雖有佳景。亦無暇瞻顧也。無何。月淡星稀。晨風拂面。南天星隱。曙色朦朧矣。比來乃復起。與瘠思登易蓋。二人者。輪流掌舵。比來所值。多在日間。瘠思登則喜值晚。取其涼也。日旣出。比來恐蹈昨夜之故事。乃繫舵於釘。舉目遠眺。可數分鐘之久。遙見一黑影現於水天交際之處。自十字星之方向測之。知其爲南方陸地。乃坐而嘆息。少選。以足蹴瘠思登醒之。告以故。比來起視不語。復臥。以布囊枕首。又入黑甜鄉矣。及暮。舟抵一沙灘。灘中小山羅列。巘岼如羣塚然。瘠思登先履岸。比來隨之。跪而默謝。時南天十字星復現。比來注視不已。瘠思登則據石而坐。觀比來祈禱之殷勤。乃吃吃諷笑。比來起。瘠思登亦起。謂之曰。比來得毋過嗜祈禱乎。比來曰。否。吾未嘗過也。試思吾輩經過多少惡魔。若非天佑。焉得不死。卽今日之能。

渡重洋而登此岸。更不能不禱謝上帝矣。至於南天十字星。則吾輩啓行時。彼來歡送。嗣後日間。雖或颶風狂雨。至夜間則未嘗不現也。今復先我輩而至。歡迎我輩。我輩能不感其盛德耶。禪思登曰。咄咄。是皆無謂之語。且聆我言。今我輩雖足登陸地。然距有居民之處尙遠。以我揣之。則至南部殖民地。至少亦須一禮拜。今餅乾尙有幾許耶。比來曰。僅六枚耳。禪思登曰。然則以六日均算。則每人日得半枚。我必不以爲足。比來曰。汝可再取我應得之半。禪思登曰。仍不足。比來急曰。是言何謂。曰。無他。吾謂六枚餅乾。僅能支一人之糧。必不能使二人分食耳。比來曰。然。頓止目注禪思登。狀頗駭。禪思登曰。比來聽之。彼時吾苟能獨行。則獨行矣。以吾勢不能獨航。故偕汝來。非爲吾與汝之感情。較他人深也。不過以汝蠢愚可愛。能犧牲一己以利我耳。吾今不復有用汝處矣。與汝訣。汝能不食而往。則趣行。否則汝自爲計。比來聞言。驚怖萬狀。固知禪思登乃自私自利之人。然不謂其狠心一至於此也。遂曰。禪思登聽之。吾尙有他言。禪思登曰。吾不欲聞。光陰可惜。速以餅乾與我。比來曰。曷聽我申。

其理由乎。禪思登曰。否。吾需餅乾足矣。比來是時亦知自保。知非此三餅乾。必餓且死。然終天良不泯。欲僅取其三足矣。遂伸手入帆布囊。攫取其三。以其餘與禪思登。禪思登見僅三枚。乃曰。尙有三枚。比來曰。吾物也。禪思登曰。否。吾并欲之。比來曰。視汝力何如。於是二人遂鬪。時則明星在天。夜闌更靜。平沙無垠。海波不揚。惟此二人奔逐爭鬪。二人固勁敵。許久不決勝負。旣而禪思登舉靴踢比來踵。比來仆。首觸沙礁而暈。禪思登急取餅乾登舟。啓底板。則餅乾及水均尙有。遂坐而大嚼。食已。復登岸。意比來已死。往視之。則見其仰臥沙上。首側血漬殷紅。面色與月光同其灰白。目尙未瞑。乃撫其體曰。嗚呼。比來。汝得南天十字星。吾得餅乾。願汝前途平安。吾去矣。言已。大笑蹈沙而去。絕不回顧。比來則臥血漬中。呻吟呼籲。無聞之者。惟有海潮澎湃。與猿啼鬼嘯之聲。互相呼應而已。

第二章

余（蘇格蘭偵探部部長雷凱泰君自謂）與德萊克伯爵自克立斯托屋步歸。意大

利館途中戲謂德萊克曰。前者問君之事。能否語我。德萊克曰。何事。余固忘却。今試以記憶之事告汝。四月中天氣甚悶。此其一也。其二則余之口渴思飲。一如撒哈拉沙漠之望霖雨。余曰。此處離該立沙夏茄菲店。不過一舉步之勞耳。盍往取飲乎。未幾抵此店。余等坐於一涼爽處。余復問曰。余所欲知者。卽君與特利賽夫婦交遊之故耳。德萊克曰。汝意水菓大王特利賽君乎。余曰。然。德萊克又曰。水菓皇后特利賽夫人乎。曰。然。德萊克笑曰。是不難知。余曰。試言其故。德萊克故作莊容曰。人皆以瘋名錫余。君亦時呼余爲瘋人。余今年逾花甲矣。亦不值與君等辯。或謂余今雖老。較年幼時尤瘋。噫。誤矣。余何曾瘋耶。不過好爲人所不爲。所謂大人者。不失其赤子之本心耳。余之與特利賽夫婦莫逆。如蠅之戀蜜。不可須臾離者。其故甚明。君寧不知耶。余曰。君未語我。何由而知。德萊克大笑曰。君偵探部部長也。豈有不能猜度之理。余亦笑曰。君謂凡爲偵探者。皆有仙術乎。君誤矣。速語我。毋使人久悶也。德萊克曰。我之與特利賽夫婦交好者。因喜聽特利賽夫婦呼我伯爵也。試思伯爵之稱久爲。

我所厭棄然而特利賽夫婦既以伯爵呼我伯爵二字尙有價值也余聞言不覺失望。余之亟亟問其故者冀其有奧妙存焉。詎聆其言不過爾爾。德萊克又曰君知克拉登勃所以賜爵與我之故乎。余曰是又烏得而知。德萊克曰天乎。克拉登勃命人邀余之事頗能記憶。以余臆度之彼來使者始一偵探之流。將余邀至道音街。克拉登勃親身來迓。極爲謙遜。卒語余曰我等擬封汝伯爵之職。余曰伯爵乎。盡於此耶。彼曰汝意足乎。否則吾等封汝爲公爵亦易事耳。余曰謝君厚賜。我名德萊克。德萊克之名其翅而飛。盡人皆知。余頗知足何求乎。伯爵亦更無須乎。公爵也。第君等忽以伯爵頭銜加諸我。是何命意。彼曰所以封汝之故亦不復記憶。余曰是誠可怪。余無片勞。彼卽曰是卽封汝之故也。余曰無功受祿事愈可怪。且爲怪中之怪矣。君等殆以顯爵餽我金錢耶。彼曰汝真穎悟人哉。將來何患不成。一太政治家。余曰伯爵之職已足爲我消耗金錢之資料。品請勿再以他職賜我。則受惠多矣。彼曰封爵事已說定。我今語汝一正事。有一貴介將於下月遨遊貴處。余曰噫。彼續言曰貴

介之意。欲在貴處設一陳列所。或動物園。貴介性喜煙酒。尤好賓客。來時必與數客偕。汝須一一招待。到時當通知汝也。余曰。如此豈非使我大破鈔耶。彼不答。但曰。我今忙甚。請從此別。揮余出門。噫。雷凱泰君乎。此何時耶。非四句半鐘耶。言此手指時表示余。余正欲窮其究竟。德萊克復曰。余今晚請客。菜尙未定。君曷偕余一往乎。言畢。起身付茶資。訖。挽余疾行。過百利佛街至愛克雷大酒館。德萊克卽與酒館經理人高談酒菜事。何者爲佳餚。何者爲粗品。二人爭辯正濃。余則一無所事。小立窗前。閒觀行人爲樂。見路中往來蹀蹀。婦女尤佔其多數。胸佩珠飾。寶光耀目。香氣襲人。聞之心醉。蓋巴黎之百利佛。與柏林之林登維也。納之公園。皆著名之熱鬧場也。美醜貧富。無不咸備。喜怒哀樂。不可名狀。區區數分鐘之默察。卽可得世界人類之各種狀態。至巴黎街之行人。則喜者少而怨者多。有往銀行持票取息而現。貪得之狀者。放債者。也有持物往來。欲求速售而不得。現憂急狀者。販物者。也有傳粉施朱。娉婷緩步。見他人佩飾現妬羨狀者。則小家碧玉也。諸如此類。不可枚舉。總之皆

現。不。足。之。貌。而。無。一。怡。然。自。樂。者。嗟。乎。是。亦。可。證。祿。利。之。縛。人。矣。

余正縱觀時。有一行人。適經窗前。其人之體態。直射入眼簾。頗似在何處見過者。軀幹高大。如意大利人。鼻尖如鷹。兩睛現淡藍色。眉長連於眼稍。頷下短鬚。分理清晰。色如黃金。一似伶人演劇時所用之假鬚。頭戴高帽。微露其金黃之短髮。其人之最足惹余注意者。一爲其身軀之高大。異於常人。其二則且行且笑。笑時無聲。現一種特異之狀。余之目光。追隨其人。至於目力不能及而止。然滿腹枯搜。竟不能記憶。乃返身尋德萊克。見二人仍在談論菜事。聞經理曰。用何鮮菓。德萊克曰。楊梅有否。經理曰。是易辦也。德萊克曰。甚善。經理曰。請以酒菜價目示知。俾得有所遵循。德萊克曰。價目！余曾憶在何處聞過者。此二字果有何意耶。余不樂聞。經理笑曰。請君恕余唐突。余不應以此瑣屑猥辱尊聽。然則今晚主客共幾位耶。德萊克曰。余幾忘却。雷凱泰君何在。余曰。在此候久矣。德萊克曰。請來助我。我等今晚共有若干客耶。余曰。將客名一一背誦。卽知其數。君其一！德萊克攙言曰。先記女賓。於是屈指自記。

曰。君妻篤理女士一也。特利賽夫人二也。余妹三也。余女愛徘徊四也。卡德立女士五也。司賚特女士六也。侯爵夫人七也。若男賓則君一也。特利賽君二也。愛勃納君三也。勒戒四也。司賓特君五也。余則六也。男賓六位。女賓若干耶。余又忘之矣。余曰。女賓七位。德萊克呼曰。衣冠濟濟。樂哉。今晚之筵也。旣而攢眉曰。七與六其數爲十三矣。西人習俗以十三數爲不吉。不幸哉。不幸哉。蓋德萊克雖喜陶情。詼諧百出。一舉一動。令人解頤。然頗迷信忌諱。余曰。然則人數不能改動耶。德萊克不答。謂經理曰。汝第書十四客可也。經理唯唯。又曰。准八時三十分到此。汝須先期預備。經理領之。繼而又曰。香檳酒不可預貯冰箱中。若然者。余將不付值。雷凱泰君卽爲此事證人。言訖。挽余手曰。余等再約一友。滿此十四之數。於是相將出門。余問曰。君從何處約友耶。時間倜促。德萊克曰。汝不知耶。余交遊最廣。幾於無人不識。倘有不速之客。亦何求不得。語甫竟。忽掉余臂。向前狂奔。捷如流矢。觀此卽知人以瘋人目之。不爲無因。其動作酷肖其性情。蓋德爲一喜動之輩。宅心直爽。無欺詐。喜詼諧。有東方曼

倩之風。以故人皆樂與之交。彼既狂奔。余亦緊步追隨。見德萊克在前與一軀幹長大者立語。噫此何人哉。即余在酒館窗中所覩之奇異人也。余行稍近。聞其人問德萊克曰。吾等擬明日赴英。君行止若何耶。德萊克曰。余一二日亦須返倫敦。以預加冕吉禮。且欲摒擋一切。德萊克言時。兩目四顧。忽見余已至。乃曰。雷凱泰君。余願介紹。此即撒拉路納公爵也。又向其人指余而言曰。是爲尼古拉雷凱泰參將。余與其人行禮畢。公爵操其半強之英語曰。君其爲蘇格蘭夏偵探長雷凱泰參將耶。德萊克在旁插言曰。君言是也。公爵乃極意致敬。頗露其諂狀。但諛詞之間。略帶嘲笑之態。余但俯首謙讓而已。德萊克曰。公爵今晚將作何事。公爵曰。天乎。凡人何故欲作事。君等英人。勤勞性成。終日碌碌。無片刻暇。其實人生在世。休息作樂。亦爲不可少之事。若君等之僕僕。余以爲毫無生趣。繼而忽曰。余過矣。君等得毋責余失言耶。余性最懶。故不覺勸人懶惰耳。德萊克曰。君殆精於哲學耳。公爵曰。否。余何敢當。不過哲學之理。余習之有素耳。德萊克曰。他事姑弗論。君今晚若何消遣。公爵曰。吃少

許飯飲數杯酒。然後黃梁一夢耳。德萊克曰。然則君今晚赴余之約可乎。余筵設於愛克雷酒館。在坐者大半與君相稔。卽如去歲在孟加羅館相見之司賓特女士。公爵曰。余甚願奉陪。德萊克曰。倉卒奉邀。尙乞見諒。公爵曰。何太謙也。令愛愛徘徊女公子亦在座乎。德萊克聞言。似現疑忌狀。淡然應曰。然。公爵曰。然則爲時不亦太促耶。余將爲女公子整備玫瑰花。聞女公子酷愛此花也。德萊克曰。勞動不當。公爵曰。此分內事。何言勞動。今晚定於何時。德曰。准八時半。公爵曰。余屆時必到。君仍厲舊處乎。德曰。然。仍厲伯立司旅館。於是公爵作別自去。德萊克謂余曰。何如。今已足十四數矣。余曰。卽使不遇此友。十四數亦易齊集。德萊克曰。此何語耶。余曰。君適飛馳人叢中。若撞倒行人。亦當邀飲以陪罪耳。德萊克咋舌曰。大幸大幸。余曰。與君戲言耳。何足怪。德萊克曰。否。余去年四月中曾撞倒一人。傷其脅骨。非止邀飲以陪罪。且費去無數養傷費。方始無事。至今思之。猶覺寒心也。余曰。往事休提。適遇之公爵。究係何人。德萊克曰。公爵爲西班牙顯爵。余曰。彼之面貌。何一似獐鬼。德萊克作色曰。

君何必以貌取人哉。

未幾紅日西墜。電燈齊明。余與德萊克已至愛克雷酒館。賓主齊集。頗極一時之盛。席上特利賽夫人衣紅緞衣。胸綴大珠球。一寶光耀目。愛徘女公子則秋波婉轉。深謝公爵贈花之盛意。余妻篤利而帶笑容。興致甚豪。德萊克之妹密青夫人則莊容不語。卜德立女士淡漠殊甚。司賓特女士嚴重。日持侯爵夫人耳。既重聽且不喜言語。因之嘿然。男賓中若公爵則日不轉睛。注視愛徘。勒戒則既視愛徘。又視公爵。作妬忌態。特利賽君注意酒菜。不預旁事。司賓特君似有重憂。愛勃納君噤若寒蟬。然德萊克襟懷瀟灑。雄談偉辯。四座生風。無論何等之人。一經接談。其嚴霜之氣。如經和風蕩漾。立即融消。故是會也。雖各賓狀態懸殊。然無不盡歡而散。惟是晚有一事。深印余腦而不忘者。當余等酒闌人散。天適陰雨。余等皆在愛克雷酒館簷下候車。忽有一人以一物擲入公爵懷中。疾馳而逝。其人之面貌衣飾。余雖不能一一辨別。然一見其人之爛鼻。余頓醒悟。凡屬蘇格蘭偵探部。無不識此爛鼻者。其人在英犯

案甚夥。人皆以搶匪別雷呼之。是晚倉卒之間。雖不及辨其面貌。然知爲別雷無疑。余所大惑不解者。公爵何以與別雷交往耶。

第三章

赴宴之次晨。余一人散步街市。見一珠肆珍飾甚夥。余乃爲余妻購置數事。回至旅舍。則有人遲余於會客廳。詢之知爲史冰鐵君也。此君爲法國高肯人。係法京巴黎警察署之重要人物。其職與余等爲人既任勞怨。又有謀畧。所破奇案甚多。然頗以聰明自命。余已久耳其名。史冰鐵見余。其恭敬之誠。不可名狀。頭戴高緞帽。頸短而硬。領甚高。領邊幾觸帽簷。足上皮鞋。呶啞作響。行禮時俯首至膝。如德萊克所謂大點頭者。余見其謙態。不覺慚愧交并。急與握手爲禮。曰。史冰鐵先生。蒙君下顧。何幸如之。史冰鐵曰。雷凱泰參戎。余恨相見晚。今日始得識荆。余急曰。君何太謙哉。蓋余因余妻早膳已備。婦人習性。最不喜久待。雖至親如夫。亦不願稍待而違其餐時。故不俟其畢辭。遽參止之。史冰鐵復言曰。雷凱泰夫人。諒安好也。余曰。余妻頗安。敬

謝君問。君近日興致若何。史冰鐵嘆曰。唉！歎時頗現驚怖狀。舉右手以示余曰。君試觀此。此非可懼者耶。余體忽胖。天乎。用腦過甚。反現此象。豈非異事。殆用腦太甚。不用體力。致體發胖乎。余彼時祇念早膳事。故淡然應之曰。能者多勞。君之謂矣。史冰鐵曰。警務煩瑣。自總統國務大臣以次。數來擾余。終日無片刻暇。余至此不復能耐。乃曰。君既光降。可否與余妻同膳乎。史冰鐵曰。同膳爲應酬必需之禮節。余曰。然則君允矣。史冰鐵曰。承君見愛。何敢固却。於是同至膳室。與余妻相見。略作寒暄。膳畢。余妻外出。余與史冰鐵君散坐吸煙。史冰鐵曰。雷君乎。余此來。乞君助我也。余聞言頗驚訝。蓋史冰鐵之爲人。自負殊甚。凡事祇肯助人。而不求人助。因答曰。君何出此言。彼曰。有一疑案。非借助他山。萬難收效。余曰。願聞顛末。史冰鐵曰。敝國陸軍大臣賈美雪。千萬君之女公子。日前忽失踪跡。其人長身玉立。美麗罕儔。今試以其面貌語君。君其助我。言至此。微低其音曰。賈美雪女公子軀體之高度。一如但南。首部如阿波達。雙目如費脫。髮多如！余大笑曰。君其詩詞專家耶。何引證如許。美人

似。作。艷。體。詩。者。然。史。冰。鐵。曰。幼。時。嘗。學。塗。鴉。今。則。生。澁。矣。君。母。以。爲。笑。談。請。畢。其。辭。何。如。余。頷。首。彼。曰。自。賈。美。雪。女。公。子。失。去。後。廣。遣。偵。探。四。出。偵。訪。迄。無。朕。兆。余。則。親。身。密。探。行。遍。巴。黎。迄。不。能。得。絲。毫。踪。跡。余。曰。失。去。時。之。情。形。若。何。史。冰。鐵。曰。事。甚。簡。明。女。公。子。學。識。甚。精。曾。爲。前。大。文。豪。家。鄧。提。作。一。小。傳。膾。炙。人。口。近。又。專。心。致。志。在。畢。勃。利。皇。家。館。中。研。究。學。術。父。母。見。彼。專。心。攻。學。珍。愛。異。常。不。以。尋。常。閨。女。視。之。亦。不。加。約。束。於。是。女。公。子。出。入。自。由。每。日。必。至。歷。稽。流。圖。書。館。翻。閱。書。籍。然。行。必。乘。車。其。往。圖。書。館。也。必。在。晨。間。十。時。至。午。後。三。時。始。回。且。恆。不。在。家。午。餐。一。如。書。中。自。有。膏。粱。足。以。果。腹。者。然。有。時。亦。在。圖。書。館。中。用。膳。余。曰。出。外。時。常。一。人。耶。抑。別。有。伴。侶。耶。史。冰。鐵。曰。出。入。一。人。不。喜。與。伴。侶。偕。敵。國。青。年。子。弟。最。喜。鍾。情。輕。蕩。艷。麗。之。少。女。若。賈。美。雪。女。公。子。之。莊。嚴。令。人。不。敢。侵。犯。且。女。公。子。專。心。研。究。學。術。諒。不。致。因。情。戀。而。逸。也。若。女。公。子。之。鼻。倘。爲。希。臘。人。則。甚。合。式。因。希。臘。人。言。語。以。鼻。音。爲。主。余。聞。其。煩。瑣。之。言。不。覺。失。笑。史。冰。鐵。又。曰。余。親。愛。之。友。乎。君。尙。未。見。女。公。子。之。鼻。也。余。聞。至。